

أيقظ المارد .. الحلقة (10) .. تدبرات في سورة الزخرف ..

#أيقظ_المارد .. د . حازم شومان

حازم شومان

السلام عليكم ورحمة الله وبركاته. اخواني واخواتي في الله شبابنا وبناتنا ربنا يبارك فيكم وربنا يحفظكم. ايقظ المارد ثورة تصحيح من سورة زخرف يعني ايه ايقظ المارد؟ ايه العنوان ده؟ يا جماعة احنا بازن الله سبحانه وتعالى من اول اللحظة دي هنبدا رحلة تغيير كبيرة جدا عشان نتغير رحلة التغيير - 00:00:00

في مطلوب مننا كبيرة جدا فيها. مطلوب مننا مهام كتير. هنكسر منطقة الراحة اللي احنا عايشين فيها. عارفة يعني ايه هتكسري منطقة الراحة؟ حاجات كتير قوي انت اعملها وهي غلط في حياتك في دينك وفي دنيتك. ولكن انت مرتاح كده مش حاسس ان في مصيبة هتحصل. مش حاسس ان فيه كارثة هتحصل. مش حاسس بتهديد. احنا عايزين - 00:00:40

قل ان لازم نتغير ونكسر منطقة الراحة. ونواجه كل المشاكل اللي في حياتنا ونغير الصندوق الاسود اللي جواك وجواك. الصندوق الاسود اللي ملى مفاهيم غلط ومشاعر غلط. اتكونت من واحنا اطفال امام كل ابتلاء وامام كل مشكلة. ما لقناش حد يفهمنا اللي بيحصل ده الليلة بيحصل ليه؟ واللي حصل - 00:01:00

احبابنا والابتلاءات والالام والاحزان بتحصل ليه؟ اتكون جونا صندوق اسود ملى افكار تشاؤمية. ملى افكار صعبة يؤوسه مليانة حاجات بتخليكي تقولي مش هقدر اتغير. الصندوق الاسود ده عايزين ندخل جواه ونكسره ونغير المفاهيم اللي جواه. عايزين نتغير تغيير حقيقي يا جماعة - 00:01:20

سلسلة رحلة التغيير سلسلة كبيرة بازن الله سبحانه وتعالى. ومراحلها كتير وعندنا جوجل ارث فيها. مراحل لحد ما نوصل للتغيير اللي ربنا يرضى عننا به لان احنا لو ما اتغيرناش مش هنفوز برمضان. لو ما اتغيرناش مش هندخل الجنة. لو ما اتغيرناش مش هنجو من النار. لو ما اتغيرتش ربنا مش هيرضى عنك - 00:01:40

قبل ان يشاء الله. لو ما اتغيرناش مش هنعيش سعداء. مش هنعيش ناجحين. لازم نتغير. طب عشان نتغير. لازم الاول طاقة تنبعث من جونا. لازم فلنوقظ المارد اللي جونا. نوقظ الطاقة الرهيبة اللي الله اودعها جونا. اللي احنا مؤمنين بوجودها مش ايماننا بانفسنا. ولكن ايماننا بالله - 00:02:00

سبحانه وتعالى بالفطرة المفاعل النووي اللي ربنا حطه جواك. وجواك عايزين نوقظ المارد. هنوقظ المارد بايه؟ هنوقظ الطاقة الجبارة اللي جونا بايه؟ بالقرآن الكريم. بالقرآن! هو القرآن مش بس كتاب تأثير لآ وكتاب تغيير. يعني القرآن مش بس بيأثر وسورة قاف - 00:02:20

بتغلي الدموع تنزل بين عينينا لآ القرآن كمان هيغيرنا يا جماعة. زي ما القرآن له اعجاز في التأثير. القرآن له اعجاز في التغيير. التغيير الشامل التغيير بمفهوم اهل الدنيا مش بمفهومنا احنا. فنان من الفنانين بيكلم احد الدعاة. بيقول له انتم مشكلتكم ان انتم بتعتبروا ان النجاح بتاعكم ان الناس تعيط. قال له - 00:02:40

انتم بتعتبروا النجاح ايه؟ قالوا ان الناس تفهم وتتغير. تفهم المفاهيم العلمانية اللي عايزين يبثوها. من خلال الاعمال اللي بيعملوها او بعض الاعمال اللي بيعملوها ويتغيروا البنات يخلعوا الحجاب كزا كزا. فيقول لك ده النجاح عندنا وده النجاح برضو عندنا. وده التغيير عندنا من النهاردة مش - 00:03:00

بس تتأثر عايزينك تتغير. عايزينك تتغيري تغيير شامل في جميع محاور حياتنا يا جماعة. طيب هو احنا جوانا مارد اصلا عشان نطلعه النبي عليه الصلاة والسلام بيقول المؤمن القوي خير واحب الى الله من المؤمن الضعيف. وفي كل خير. كلمة - [00:03:20](#)

قطع قلبي كلمة تبكيها لو فهمناها بعد ما النبي قال ان في مؤمن قوي ومؤمن ضعيف. ان في مؤمن ناجح ومؤمن فاشل. ان في مؤمن مؤثر المؤمن مش مؤثر ان فيه مؤمن اتغير وغير الحياة ومؤمن ما غيرش الحياة. ان فيه مؤمن قوي النفسية وقوي العزيمة ومؤمن مش قادر - [00:03:38](#)

النبي في الاخر قال كلمة تقطع قلوبنا لو فهمناها. وفي كل خير. اوعى يا اللي ما نجحتش تفتكر ان ربنا ادى للي ناجح. خير ما ادهوش لك اوعى يا اللي لان ما قدرتش تغير حاجة في حياتك. تفتكر ان اللي غيره الدنيا وصنعوا الحياة. وبنوا الحياة ربنا اداهم خير غير اللي اداه لك - [00:03:58](#)

انتم اللاتنين كان فيكم خير. ولكن هو عرف يستثمر الخير اللي جوة وانت ما قدرتش. انت مليون خير. انت مليانة خير. انت تقدر. الرسول عليه الصلاة والسلام بيقول لكم كلكم انتم تقدر. انتم جواكم مارد. انتم جواكم مفاعل نووي جبار اسمه الفطرة. الله خطها جواكم. انتم تقدر. تبقوا بصمة تغيير في الحياة كلها - [00:04:18](#)

هتقدروا تبقوا ايقونة على الشاشة بتاعة الحياة. ولكن مين اللي يقدر يستثمر الخير اللي جواه؟ عشان كده ايوه انت جواك مارد. انت جواك بطل بس عايزين نجره بقى يا جماعة. طب هتوقظ المارد بايه؟ بالمصحف. بايه؟ بالقرآن. بكلام الله. اقرأ وربك الاكرم. اقري انت - [00:04:38](#)

بس وكرم ربنا هيتنزل. افتحوا المصحف وكرم ربنا هيفيض وهيغير الحياة. اقبلوا على الله بالقرآن افتحوا القرآن افتحوا قلوبكم للقرآن. افتحوا شبابيك قلوبكم للقرآن. وشوفوا نور القرآن لما يدخل جواك وربيع قلبي. نور صدي. جلاء حزني - [00:04:58](#)

اني ذهاب همي دراماتيكي تشمس. القرآن هيحول حياتكم لحياة تانية خالص. تأسير درامي. القرآن هيعمله في حياتنا. لو احنا صدقنا بطاقات النص القرآني واعجاز القرآن وقدرته على التغيير. يبقى ازا هنغير بالقرآن. يعني ايه نغير بالقرآن؟ انت قلت - [00:05:18](#)

ان احنا ندخل رحلة تغيير وهنكسر الصندوق الاسود اللي جوانا اللي معزينا. اللي مخلينا متوترين وعندنا اكتئاب وحزن وهم. انت بتقول لنا ان السعادة طلعت حاجة جوانا مش في الظروف الخارجية. بتقول لنا ان العزيمة والنجاح طلعت حاجة من جوانا اصلا. وان الصندوق الاسود اللي جوانا هو اللي مانعنا ان احنا نتقدم. وبتقول ان احنا - [00:05:38](#)

نبدأ نفتح الصندوق الاسود ونطلع المفاهيم الغلط. وندشدها ونكسرنا ونبدأ نطلق في الحياة ونستقبل الحياة. بنفسية جديدة وب عقلية جديدة بالقرآن ليه؟ عارفين ليه؟ لان اول سورة ربنا نزلها في القرآن قال اقرأ اقرأ القرآن دهو ثاني سورة قم الليل تالت سورة قم فانذر - [00:05:58](#)

قبل ما ربنا يقول قم. قبل ما ربنا يقول لك قومي. قال لك اقرأ. قبل ما ربنا يقول للمجتمع قم وانهض وغير واتحرك. ربنا قال له اقرأ الاول الخطوة الاولى في اي عملية اصلاح وتغيير هي الاتصال بالقرآن. الخطوة الاولى في اي طريق نهايته السعادة هي الاتصال بالقرآن. الخطوة الاولى لاي - [00:06:18](#)

طريق نهايته نجاح واتصال بالقرآن. الخطوة الاولى لاي حاجة عايزين نحققها في حياتنا هي اقرأ بعدها لما يتقال لنا قوموا. لما نيجي في المراحل تانية وتالتة ورابعة بازن الله في رحلة التغيير على خطة جوجل ارث اللي هنمشي عليها بازن الله سبحانه وتعالى. بس مش جوجل ارس اللي بيوصل جوف بورتو ولا جوجل ايرث. جوجل ارس - [00:06:38](#)

بيوصل للجنة والنجاح والسعادة والتغيير والنهضة والتأثير المجتمعي وصلاح القلب وقوة العزيمة والتأثير الدعوي ولما هندخل في الرحلة دي يا جماعة هنكتشف ان احنا في الاول لازم اقرأ. طيب اشمعنى سورة الزخرف خلاص فهمنا والقرآن هو البداية. اشمعنى سورة الزخرف؟ سورة الزخرف يا جماعة - [00:06:58](#)

يا جماعة ده موضوعها بقى صورة الزخرف بتتكلم عن ثلاث حاجات. ركزي معي كويس اوي اوي اوي. ركز معي بكل زرة في كيانك. اقللي المحمول. اقلل المحمول. لو انت - [00:07:18](#)

قاعد الوقتي معي وفاتح على النت اي صفحة ولا اي لينك ولا اي حاجة افقل كل حاجة خلي كل حنة في جسمك اذن بتسمع كلام الله سبحانه وتعالى وتتفاعل وتتجاوب مع كلام الله. النبي عليه الصلاة والسلام وهو بيقرا سورة الرحمن على الصحابة. الصحابة قاعدين متأثرين. بس قاعدين ساكتين. النبي عليه الصلاة والسلام قال - [00:07:30](#)

قال لهم لقد كانت الجن احسن مردودا منكم. الجن لما قرأت عليها سورة الرحمن ما كانش ده التفاعل بتاعها. كانوا بيتفاعلوا تفاعل رهيب. كانوا بيتفاعلوا مع كل اية بقرأها عليهم. عايزين نتفاعل مع كلام الله يا جماعة. عايزك تتفاعلي وعايزك تتفاعل مع كلام الله القرآن المجيد اعجاز التغيير - [00:07:50](#)

القرآن ذي الذكر اعجاز التأثير. حتى اسمه القرآن الكريم. يعني كله كرم. لو زرت واحد كريم لا يمكن مش هيديك هدايا. ومش هيديك عطاء لا يمكن هتفتحي المصحف ومش هتكرمي وحياتك مش هتتملى عطاءات. زي ما ربنا سمى القرآن في سورة الزخرف. ومن يعيش عن ذكره - [00:08:10](#)

رحمن. القرآن اللي هو ذكر الرحمن. ليه ذكر الرحمن؟ مش ذكر الله. او الرحمن لان كله رحمت. كل ما هتفتحي المصحف الرحمت هتتنزل عليك القرآن هو حلول السماء لمشاكل الارض. القرآن هو اخطر كتاب برمجة عصبية لغوية في الحياة. القرآن هو اكبر كوجنات التربي - [00:08:30](#)

سلوكي معرفي لجميع مشاكلنا. القرآن ده روستات. القرآن ده روستات علاجية. الله نزلها لنا عشان تحل لنا كل مشاكل حياتنا يلا نستقبل رحمت الرحمن سبحانه وتعالى في ذكر الرحمن. اشمعنى اخترنا سورة الزخرف بالزات واحنا قبل رمضان بشهرين عشان ثلاث حاجات. حتى من اسمها - [00:08:50](#)

يا جماعة الزخرف البخور هو فيه دجال من غير بخور! كل ما هتدخل على دجال ها وتلاقه لابس لبس غريب كده وقدامه بخور بخور طالع! هو البخور ده منظر تأثير تأثير نفسي عليك وانت داخل ان في حاجة ورا اللبس اللي هو لابسها ورا العمامة اللي حاططها ورا البخور اللي طالع ورا الواضحة الضلعة اللي هو قاعد فيها - [00:09:10](#)

بالتأكيد فيه حاجة يقينا الراجل ده مخاوي جن. يقينا الراجل ده عنده امكانيات جبارة مش موجودة في الدنيا. يقينا الراجل ده يقدر يساعدني. يقينا ان حياتي مع النمل في الارض - [00:09:30](#)

مرتبط بالراجل ده غير حياتي قبل ما ارتبط به نصاب. ضالي بينصبوا عليكم. زخوف. بيزخرفوا الباطل. بيزخرفوا المناهج الباطلة بتاعتهم عشان يقودوا مليارات الناس لجهنم. عشان الناس تسمع معهم خطبة الشيطان في اهل النار. الزخرف درس الزخرف سورة - [00:09:40](#)

خطبة رحمنية بتفضح اهل الباطل وزخرفة اهل الباطل مناهجهم. هي سورة الزخرف جاية بعد ايه؟ عشان نفهم اول موضوع لسورة الزخرف اللي هو فضح زخرف الباطن للدين. فضح زخرفة اهل الباطل. للباطل وللشهوات - [00:10:00](#)

وللميسي لما نزل مصر يا جماعة كان الموكب بتاعه اتكلف ملايين. اللعيب ده اسمه مش عارف المفكر ده اسمه استاز الاجيال وهو اصلا علما الفنان ده التمسيلية بتاعته اتكلف خمسين مليون دولار عشان رمضان. ليه؟ تمن الزخارف. تمن الزخرفة اللي عملوها حوالهم عشان - [00:10:20](#)

حسبكم ان فيه حاجة ما فيش حاجة. ما فيش اي حاجة زي اللي ورا البخور نصب. اللي ورا الزخارف بتاعة الباطل كلها لا شيء. سورة الزخرف بتفضح الزخرفة بتاعتهم هم لما لقوا التلت صور اللي قبل الزخرف في الحوامين ايه صورة غافر اللي بتقول لكم يا اهل الحق انتم لكم اله غفور. بعد كده سورة فصلت اللي - [00:10:40](#)

كلكم انتم عندكم كتاب مفصل. بعد كده سورة الشورى اللي بتقول لكم المؤمنين متشاورين مجتمعين. طب هم هيعملوا ايه؟ اهل الباطل واقفين محتاسين قدام قوة حق وقوة الكتاب المفصل والمدد اللي من الاله الغفور. وقوة التشاور بتاع المؤمنين. فقامت جاية سورة الزخرف مش هيسكتكم. هم ما عندهم مش حاجة. هم - [00:11:00](#)

جعبتهم ما فيش فيها حاجة. كان الحل الوحيد ان هم يزخرفهم الا شيء. يزخرفوا الضلالات اللي عندهم. تعالوا شوفوا الزخرف عملوا

ايه. اول حاجة زخرفوا الالهة بتاعتهم وجعلوا له من عباده جزءا جزء من معاني كلمة جزء في اللغة اي يجزئ عن الشيء. زي ما النبي قال يجزئ عن ذلك كله ركعتين - [00:11:20](#)

الضحى يجزأ عن التلتمية وستين صدقة انك تصلي ركعتين ضحى يعني كفاية. جعلوا له من عباده جزءا. عايزين يقولوا للناس لا لا الاولياء دول يجزئه عن الله. روحوا قولوا لهم اشفونا اشفوكم. العلمانية والليبرالية والديموقراطية تجزئ عن الشريعة الاسلامية. هتجيب الرخاء والسعادة والتقدم. بيزخرفوا - [00:11:40](#)

المناهج بتاعتهم بعد كده بيزخرفوا الالهة بتاعتهم. او من ينشأ في الحلية؟ قال لك ده مين ده؟ بعض الاقوال المفسرين قالوا ان الاوثان بتاعتهم شفتهم صنم بوذا؟ شفتهم اللوان اللي ملونينه بها؟ والمجوهرات اللي مرصحينه بها. شفتهم يا جماعة منظر رجال الدين بتاعة كل الاديان الباطلة بيلبسوا ايه؟ وفخمة - [00:12:00](#)

والمجوهرات اللي بترصع الثوب بتاعهم لو شلنا الترصيع ده كله والزخرفة دي لا شيء. هم ما عندهم حاجة عشان كده بيزخرفهم. بعد كده بيزخرفوا واباؤهم العظماء بل قالوا انا وجدنا اباءنا الالباء العظماء على امة. امة دي يعني قدوة وطريق وهدف وغاية بتجمعنا - [00:12:20](#)

كلنا وانا على اثارهم مهتدون. هم دول طريق الهدى. حاولت يا جماعة ان انا انبهر بديسوفيسكي. فعلا حاولت ان انا انبهر حاولت ان انا انبهر بكتير من الادباء العالميين. حاولت ان انا بانبهر بتول ستوي. حاولت ان انا اقرأ رواياتهم وكتبهم. وانبار عن - [00:12:40](#) نجيب محفوظ لما كان بيقول حاولت ان انا ابقى شيوعي وفشلت. حاولت زمان وانا في اعدادي وسانوي وانا يعني ان انا انبهر بالناس دي اقرأ رواياتهم حلوة مش وحشة بس مش الحاجة المرعبة اللي بيتكلموا عنها بيزخرفوا الرموز بتاعتهم بيزخرفوا اباءهم العظماء. بيزخرفوا حتى الرموز الفكرية الموجودة. حتى الفنانين - [00:13:00](#)

يقول لك ده الهضبة وده الكنك وقالوا لولا نزل هذا القرآن بس مش على محمد الغلبان الفقير. عليه الصلاة والسلام على رجل من القريتين هو ايه ده بيزخرفوا كل حاجة حتى الدنيا - [00:13:20](#)

سقفا من فضة معارج عليها يظهر لبيوتهم ابوابا. سررا عليها يتكنون. ده ده افخم ما وصل اليه الجاليري في الدنيا كلها ذهب بيوتهم عايزين يعملوها ذهب وان كل ذلك لما متاع الحياة الدنيا. ربنا بيحرق الزخارف بتاعتهم امام عينين المؤمنين - [00:13:34](#) بيزخرفوا بيزخرفوا الحكام بتوعهم ونادى فرعون في قومه اليس لي ملك مصر وهذه الانهار تجري من تحتي انتم مش شايقين العزمة اللي انا فيها والزخرفة اللي انا فيها فاستخف قومه. اوعي تبقي خفيفة اوعي تبقي خفيفة. اوعي صابع روج. بنت حطته في شفايفها يغير طريقك - [00:13:54](#)

ويغير وجهتك وينسيك ان انت خليفة الله في الارض. اوعي اوعي اوعي مقطع يوتيوب ولا موديل نازل في فاترينة يغير وجهة حياتك. اوعي تبقي خفيفة. اوعي تستخف بالزخرف بتاعهم في الازياء والموديلات والهيلمان اللي بيعملوه حوالهم. الزخرفة حتى لافكارهم ولا انتصاراتهم - [00:14:14](#)

وهمية ولما ضرب ابن مريم مثلا اذا قومك منه يصدون. ده ده مظاهرة حصلت في مكة. ان الزبابة راح للنبي عليه الصلاة والسلام. عليه الصلاة والسلام. قال محمد. قال له نعم. عليه الصلاة والسلام. قال له انت قلت ان انكم وما تعبدون من دون الله حصب جهنم. وان كل الالهة اللي عبدت من دون الله حصد جهنم والناس كلها واقفة - [00:14:34](#)

الرسول قال له اه مزبوط كلام مزبوط. قال له طب وعيسى انت مش بتقول ان هم عبدوه من دون الله النصارى؟ اه طبعا عيسى عبد من دون الله. قال له يبقى عيسى - [00:14:54](#)

تبقى من حصى جهنم يا محمد يبقى معنى القرآن اللي ربك منزله ان عيسى كمان من حصب جهنم وخذ بالك الهتنا خير ام هو بشر انما الهتنا ملايكة. بنات الله. يبقى لو عيسى مش هيدخل جهنم لو انت عايز تقول ان عيسى استسنى يبقى الهتنا استسنا يبقى -

[00:15:04](#)

احلى استسنا ودقت مكة بانتصار ابن الزبكرة. اللي جاب حجة رهيبة. هو ايه ده! هو زخرفة للانتصارات الوهمية. انما الحقيقة الحقيقة

ان في فرق بين معبود عبد برضاه ومعبود عبد بدون رضاه. زي سيدنا عيسى ابن مريم عليه الصلاة والسلام الزخرف. اول حاجة بتعملها - [00:15:24](#)

فضح لزخرفة اهل الباطل للباطل. اذا كانوا هم عملوا كده مع العقائد بتاعتهم. انت عملت ايه مع دينك؟ اذا كانوا هم عملوا كده مع الباطل. انت عملت ايه مع حق اذا كان هم زخرفوا الباطل ولمعوه وروجوا له وسوقوله وعملوا علوم الماركتنج كلها عشان يسوقوا للباطل بتاعهم. انتم عملتم وحشين - [00:15:44](#)

عملت ايه عشان الدعوة؟ عملت ايه عشان تسويق سلعة الجنة بين عباد الله؟ من عباد الله كلهم. يبقى عشان كده لانهم زخرفوا كل حاجة فربنا بيقول فاهلكننا اشد منهم بطشا. فانا منهم منتقمون. فانتقمنا منهم فانظر كيف كان عاقبة المكذبين - [00:16:04](#)
فلما اسفونا انتقمنا منهم السورة فيها رابط الانتقام ليه؟ ما هم قاعدين يزخرفوا وقال الحق مش عارفين يواجههم البخور بتاع هؤلاء فجت سورة الزخرف هنا عشان رقم واحد تفضح زخرفة اهل الباطل للباطل بتاعهم اللي جواه لا شيء. المنزر من برة - [00:16:24](#)
هضبة الكينج استاز الاجيال لعيب المش عارف ايه النجم الصاعد الفنان المقتدر في النهاية ما فيش اي شيء جوة المنزر ده نصب. المعنى الثاني او الموضوع الثاني اللي اخترنا صورة الصخر عشان - [00:16:44](#)

فك السحر. ان سورة الزخرف بتفك السحر. طب السحر بتاع الزخرفة ده نفكه ازاى؟ مش عايزين نتأسر به. فك السحر عشان كده سورة الزخرف بتتكلم عن القرآن من اول قسم حامي حروف القرآن الله بيتحداهم بها. تقدرنا تجيبوا القرآن زيه والكتاب المبين. الله بيقسم بالقرآن. اللي بيبين لك كل حاجة في الطريق - [00:17:02](#)

طب بيقسم بالقرآن على ايه؟ الله يقسم بالقرآن على ايه؟ انا جعلناه قرآنا عربيا يقسم بالقرآن على القرآن. كانه لا يوجد اقسام به اغلى من القرآن. ولا يوجد مقسم عليه اعظم من القرآن. القرآن اغلى حاجة عند ربنا. وانت لما بترتبطي بالقرآن انت بترتبط - [00:17:22](#)
باغلى حاجة عند ربنا. واعظم حاجة واعلى حاجة عند ربنا. سبحانه وتعالى. وانه في ام الكتاب لدينا لعلي ايه؟ حكيم. القرآن اعلى مفاهيم في التغيير واحكم منهج يوصلك للتغيير. عشان كده لما ربنا اتكلم عن حب الدنيا بقى وزخرفة بقى وزخارف - [00:17:42](#)
في الدنيا في قال بعدها ومن يعيش عن ذكر الرحمن نقيض له شيطانا يعيشو عشا. يعني انسان شايف نص نص يعيشو عارفين العشاء اللي مش قادرين يشوفوا الحق. حب الدنيا عماهم. فبعدها ربنا قال ايه؟ افأنت تسمع الصم او تهدي العمي. العشاء بقى عمى. يبقى اذا حب الدنيا لا - [00:18:02](#)

سلب العبد لحد ما يخليه اعشق مش قادر يشوف. وبعد كده يعميه تماما. لو سلمت قلبك لحب الدنيا هيعميك. لو سلمت قلبك لحب الدنيا سحر الدنيا يعميك. فكانت النتيجة فاستمسك بالذي اوحى اليك. بعد ما ربنا اتكلم عن العشاء وعن العمى اللي جم بعد حب الدنيا قال فاستمسك قال - [00:18:22](#)

اهم حاجة هتشد القرآن من ايديك. اوعي تسيبهم يشدوا القرآن من ايديك. القرآن يا جماعة. كلام الله سبحانه وتعالى. لما بتدبر كلام الله كلام القرآن عن القرآن الواحد بيحس ان القرآن ده شوفوا ربنا بيتكلم عن اعجاز القرآن في التغيير ازاى؟ الله سبحانه وتعالى يقول يجعلون اصابعهم في اذانهم من الصواعق - [00:18:42](#)

الصواعق بايه؟ القرآن. آيات القرآن الوعظية. صواعق كهربائية بتحبي القلوب الميتة. شوفوا ربنا بيقول لك القرآن قوي قد ايه. ربنا سبحانه وتعالى بيقول واذا صرفنا اليك نفرا من الجن يستمعون القرآن. شوية شباب من شباب الجن بيتفسحوا ولا حاجة شافوا النبي عليه الصلاة والسلام واقف بيصلي. مطرود من مكة ومطرود من الطائف به - [00:19:02](#)

ابكي سمعوا ركعتين ياما سمعنا قرآن في ركعتين في رمضان وبرة رمضان. سمع ركعتين من النبي عليه الصلاة والسلام. فلما قضي ولوا ولوا دي يعني ايه؟ زي فلنولينك قلة بقى لهم قلة. بقى لهم وجهة. اتحولوا لاصحاب رسالة بسبب ركعتين. بسبب بعض آيات سمعوها من النبي عليه الصلاة والسلام. القرآن - [00:19:22](#)

خليكي صاحبة رسالة. القرآن زي ما ربنا قال يوقد من شجرة مباركة يوقد وقود حياتك. وقود عزيمتك وقود حماس وقود قوتك من شجرة مباركة اللي هو القرآن. القرآن ده وقود الحياة. القرآن ده هو اللي هيديك قوة في مواجهة الحياة. هو ده القرآن زي -

زي ما ربنا قال انزل من السماء ماء فسالت اودية بقدرها فاحتمل السيل زبدا. السيل اللي هو القرآن. الاية بتشبه القرآن بسيل على قلبك مش هيسيب مش هيسيب شهوة. مش هيسيب شبهة. مش هيسيب مشكلة. مش هيسيب اي مرض ولا اي خلل في القلب على الاطلاق. سيل - 00:20:02

من المعاني النورانية هتغسل القلوب يا جماعة يبقى تاني هدف من اهداف ان احنا شرحنا سورة الزخرف بعد الهدف الاولاني اللي هو ان احنا نفصح الزخرفة بتاعة اهل اهل الباطل. الهدف الثاني ان احنا نفك - 00:20:22

السحر نفك السحر بسحر الدنيا اللي ساحرانا. نفكه بالقرآن نفكه باستمسك بالذي اوحى اليك. نفك هذا السحر بالقرآن العظيم عشان كده سورة المزمل. النص الاولاني بتتكلم عن قيام الليل. اللي هو قم الليل الا قليلا. النص الساني بتتكلم عن يوم القيامة. يوم ترجف الارض - 00:20:37

جبال القيام والقيامة. ايه العلاقة بينهم؟ ان لو ما فكتش سحر الدنيا بتلاوة القرآن في جوف الليل. السحر ده هيتفك يوم القيامة يأتي السارق فينظر الى المال فيقول في هذا سرقت. ثم يتركه ويذهب. عرف ان الدنيا ما لهاش قيمة. بس بعد ما فات الاوان فكوا السحر بالقرآن - 00:20:57

ارتبطوا بكلام الله عشان السحر يتفك. الحاجة الثالثة اللي خلطنا نبدأ بسورة الزخرف عشان نوقظ المرد اللي جوانا. عشان القرآن يفجر الطاقات اللي جوانا. عشان القرآن يفجر النور اللي جوانا. فكرة الاوبن بوفيه يا جماعة. يعني ايه الاوبن بوفيه؟ حد قبل كده منكم دخل اوبن بوفيه؟ بالتأكيد. انا عايزك قبل ما تبهرى بالاكل او - 00:21:17

بص في عينين الناس وهم بيبصوا على آآ برميل اللحمة وبرميل البتاغات الكبيرة قوي جرادل الاكل دي حاجة كبيرة جدا لحمة جنبها فراخ جنبها ديك رومي جنبها آآ حاجة على البارد جنبها مش عارف ايه جنبها خضار جنبها تبص على عينين الناس وهم بيبصوا على الاوبن - 00:21:37

الناس تتمنى ان كانت معدتها دي تبقى قد الدنيا عشان ياخدوها كلها. الناس مبهورة وداخلين ناويين كل واحد مسك الطبق بتاعه حط كمية اكل تكفي خمستاشر واحد. لو جينا نشوف منزر الاوبن بوفيه بعد ما خلص بقى المنزر المغربي اللي في الاول اللي خلى الناس تنسى نفسها ورئيس مجلس الادارة والملياردير والبلط - 00:21:57

كله يدخل تحس انهم عمرهم ما كلوا قبل كده بعد ما الاكل خلص ما حدش قدر ياكل عشر اللي حطه في طبقه. تلاقي القاعة كلها مليانة اطباق مليانة اكل. الاكل داخل على بعضه ومعجن على بعضه. منزر - 00:22:17

مضحك اصلا وفي نفس الوقت منظر مقزز. هي دي الدنيا بس بعد ما الناس استعملتها تبص في عينين الناس وهم خارجين. بيبصوا للاكل السليم كده في في اللي لسه موجود في الاواني الكبيرة بتاعته يا ريت كان عندي كمان قد مساحة بطني ديت ميت مساحة عشان اكون اكثر من كده. بعد كل اللي خده - 00:22:31

الدنيا وهو ماشي لسه طمعان فيها. لسه عشان فيها لسه هيموت عليها. الام المفيد ده نموذج للدنيا يا اخوانا. ده نموذج لحب الدنيا اللي جوة قلوبنا الصورة بتفضح الدنيا. زي ما بتفضح زخرف اهل الباطل والبخور بتاعهم. وزي ما بتكسر السحر وبتفك السحر بتاع الدنيا جوة قلوبنا. بتفضح الدنيا قدام - 00:22:51

عيننا. شوفوا ربنا سبحانه وتعالى بيقول ايه؟ ولولا ان يكون الناس امة واحدة لولا ان كل الناس كانت كفرت لو انا كنت عملت كده. لجعلنا لمن يكفر بالرحمن. كان كل واحد كفر. كان كل واحد حارب ربنا. كان كل واحد طلع في الاعلام وقال ان هو ملحد والعياذ بالله. كان كل واحد زنا وسرق وقتل - 00:23:11

وفجر وتمرد على الله. كان كل واحد حارب اولياء الله وسجنهم وحاربهم وشردهم. ولولا ان يكون الناس امة واحدة لجعلنا لمن يكفر بالرحمن لبيوتهم سقفا من فضة. الاسقف بتاعة البيوت كانت تبقى فضة. ومعارج عليها يظهرن اسانسيرات - 00:23:31

ما يطلعوش من رجليهم. ومعارج عليها ذر ولبيوتهم ابوابا. زي القصور مش باب واحد بس زي معظم شققنا. باب ابواب كتير ولبيوتهم

ابوابا وسررا عليها يتكئون. الجاليري بقى والانتخة بقى والحاجات والانتريهات وزخرفة المبني نفسه - [00:23:51](#)
كان يبقى ذهب وان كل ذلك لما متاع الحياة الدنيا لما يعني حتى اللي عايش في الوضع ده مين اللي قال لكم ان هو مستمتع؟ لما ده
بيسموه حرف ايه - [00:24:11](#)

توقع يعني حاجة لسة ما جتش اصلا. فيه ناس معها مليارات. ومش قادرة انها تستمتع بالدنيا. الملياردير الالماني اللي انتحر. لما
سروته نزلت من اتناشر مليار لتسعة مليار وما قدرش يستحمل ثلاثة وهو معه تسعة مليار دولار. وراح انتحر. وان كل ذلك لم متاع.
الحياة الدنيا والاخرة عند ربك - [00:24:21](#)

للمتقين فضح. عشان كده النبي عليه الصلاة والسلام ليه كان بيستعد لرمضان بصيام شعبان؟ لان الصيام زهد في الدنيا وبعد عن
الدنيا. فاحنا كذلك ليه بنستعد لرمضان سورة الزخرف لان سورة الزخرف بتفضح الدنيا وبتخليك زاهدة في الدنيا. كذلك يا اخواني.
عشان كده في سورة الحديد اعلمو انما الحياة الدنيا لعب - [00:24:41](#)

ولهو وزينة شوفوا حقيقة الدنيا شوفوا نضارة القرآن البسوها وبصوا على الدنيا هتلاقوها حقيرة. الاية اللي بعدها سابقوا الى مغفرة
من ربكم سابقوا يعني ايه؟ ايقظ المارد. اللي عارف حقيقة الدنيا. المارد اللي جواه طلع وانطلق في طريق ربنا. وقدر انه يتسابق على
الفردوس - [00:25:01](#)

اعلى انما هنا حقيقي يا حبيبي اللي وقع في الدنيا ربنا يرحم قلوبنا من حب الدنيا جميعا بعد وزخرفة وان كل ذلك لما متعه الحياة
الدنيا ومن عن ذكر الرحمن. جا لهم اتعبوا يا عيني. حب الدنيا بيعمي. بيبقى انت ماشي. الكون بينطق بايات الله الجبارة. القرآن
بيناديك - [00:25:21](#)

في نداء يزلزل القلوب. المواعظ بتاعة الدعاة بتزلزل الحجر. وانت مش متأثر مش متأثر ليه؟ حب الدنيا باحجاب فين قلوبنا وبين
سماع مواعظ الدين يبقى ده التلات اسباب اللي احنا اخترنا سورة الزخرف عشانهم؟ طب يا جماعة سريعا كده سريعا الخريطة
الذهنية - [00:25:41](#)

الصورة. الصورة بتتكون من اربع مقاطع. المقطع الاولاني من اول اية واحد. انا باكلم هنا بقى الناس اللي عايزة تفهم وتهتبعش معنا
في رحلة التغيير. في المرات اللي احنا هنتكلم فيها ان شاء الله بازن - [00:26:01](#)
باكلم هنا الناس اللي عايزة تفهم وعايزة تستوعب وعايزة تركز ان شاء الله سورة الزخرف اربع مقاطع. المقطع الاولاني الصدمة من

اية واحد لاية ثلاثين من اول حامي والكتاب المبين. لحد قصة ابراهيم. واذ قال ابراهيم لابيه وقومه انني براء مما تعبدون. يعني ايه
الصدمة؟ الصدمة اولها الكتاب - [00:26:11](#)

مبين القرآن اللي مبين لك كل حاجة. بعد كده ولان سألتهم من خلق السماوات والارض ليقولن خلقهن العزيز العليم. يعني الكون المبين
القرآن مبين والكون مبين وكل حاجة بتدل على الله. تدل على قدرته وعظمته ورحمته ورأفته وجبروته وملكه - [00:26:31](#)
وودو كل حاجة في الكون وحنانه ومنه. تيجي الصدمة بعدها وجعلوا له من عباده جزءا. بدل ما هيقفوا على باب الاله العظيم اللي
ملى الكون وملى القرآن بايات تدل عليه. راحوا وقفوا على باب المخلوق. صدمة ومش بس كده. وبدأوا يتجرأوا على الملايكة -

[00:26:51](#)

وجعلوا الملائكة الذين هم عباد الرحمن اناثا. اتجرأوا على الله. ام اتخذ مما يخلق بنات. نسبوا له البنات. اتجرأوا على القضاء والقدر. لو
شاء الرحمن وما عبدناهم بدأوا يعظموا في اباؤهم انا وجدنا اباؤنا على امة. كل اللي قعدوا يضخموا يضخموا يزخرفهم. وفي النهاية
لما - [00:27:11](#)

تبص كده وتلاقي نص مليون موقع اباحي وتلاقي البنات بقوا ماشيين في الشارع. يعني كانهم كاسيات عاريات فعلا. وتلاقي هوليوود
بتنتج افلام جبارة والسينمات والكليبات وفكر الناس بدأ يتعلمن خلاص خلاص وتلاقي الحق بقى في الزوايا الصغيرة جوة الحوار
داعية صغير - [00:27:31](#)

كده قاعد حوالياه ثلاثة اربعة شباب هم دول اللي رضوا يسمعوه. والدنيا كلها ماشية ضد التيار. والدنيا كلها ماشية مبهورة ومسحورة

بالزخرف بتاعهم والبخ بتاع الدجالين الجدد والدنيا كلها ماشية وراهم. تقولي خلاص يقينا اللي هيبقى في الدنيا ديت هو الباطل يقينا ان الحق مش هيكمل. تلاقي ربنا - [00:27:51](#)

بيقول واذ قال ابراهيم لابيه وقومه انني براء مما تعبدون. الا الذي فطرني فانه سيهدين. اسمع وجعلها كلمة الباقية اي جعل الله دعوة ابراهيم دعوة باقية. يعني بعد الصدمة اللي خدناها في الاول - [00:28:11](#)

وبعد صدمة زخرفتهم لعقائدهم الباطلة. اتهاى لنا خلاص ان الباطل هو اللي هيبقى. ربنا قال الحق هو اللي هيبقى. جعلها كلمة باقية مين هو اللي هيبقى والباقي كله ده هيزهب؟ جفاء والحق هو اللي هيمكث في الارض. المقطع الثاني في السورة من اول اية واحد وتلاتين وقالوا لولا نزل - [00:28:28](#)

القرآن على رجل من القريتين عظيم. حب الدنيا الرهيب بقى. اللي وصلهم لدرجة ومن يعيش عن ذكر الرحمن. خلاص بقى جا له معاش ليلي. بعد كده او العمي اطعموا تماما. وفي النهاية الحاجة الوحيدة اللي هتفك سحر الدنيا في قلوبكم. فاستمسك بالذي اوحى اليك فيه يا رب انك على صراط مستقيم - [00:28:48](#)

اللي نور لك طريقك. اللي وصلك للنور اللي انت فيه. اللي رفعك عند ربنا. اللي خلاك تنور حياة الدنيا كلها. هو القرآن. اللي نقلك ونقل حياتك وغيرك وحولك من يا ايها المزمّل الى يعلم انك تقوم ادنى من ثلثي الليل وحولك من يا ايها المدثر الى فرض - [00:29:08](#) من قسورة الحاجة اللي غيرتك. الحاجة اللي فجرت طاقاتك. الحاجة اللي خلتك امام الانبياء. الحاجة اللي خلتك مصدر نقول للحياة كلها الى يوم القيامة ياما هي القرآن. عشان كده يا محمد انت واللي وراك استمسك بالذي اوحى اليك. ده الفصل الثاني بعنوان سحر الدنيا. يبقى - [00:29:28](#)

الاولاني الصدمة قد ايه الصدمة بعد كل اللي ربنا عمله وكل الايات دي ودول مدين زهرهم لربنا تماما وماشيين في طريقهم وربنا بيقول لهم انتم هتنتهوا اللي هيبقى هو الدين. الجزء الثاني اللي هو سحر الدنيا وازاي يتفك بالقرآن. الجزء الثالث بقى يا جماعة اللي هو من اول اية - [00:29:48](#)

ولقد ارسلنا موسى باياتنا آآ آية آآ ستة واربعين لحد قول الله سبحانه وتعالى الاخلاء يومئذ بعضهم لبعض عدو الا المتقين اللي هي اية سبعة وستين. قصة موسى وقصة عيسى. هو اشمعنى قصة موسى وقصة عيسى في سورة الزخرف؟ طب ما الانبياء كثير. اشمعنى القصتين دول - [00:30:08](#)

لان الاثنين دول واجهوا اكثر اتنين حكام في تاريخ البشرية زخرفوا الحياة. زخرفهم الباطل. موسى واجه فرعون ليس لي ملك مصر وهذه الانهار تجري من تحتي. من تحت هو كان بيت السيد الوالد حضرتك يعني ولا فرعون اللي قبلك كان مدي لحضرتك صك - [00:30:28](#)

آآ ملكية للبلد تعمل فيها اللي انت عايزه وتبيع وتشترى فيها. حضرتك يعني انا مش فاهم وحضرتك بتشتغل ايه بالزبط. وهذه الانار تجري من تحت حراك الانهار دي ربنا اداها - [00:30:48](#)

في كل اللي عايشين في البلد اشمعنى حضرتك اعتبرتتها بتاعتك وفي النهاية فاستخف قومه. ما هم ناس اي حاجة بيسمعوها كلمة تجيبهم يمين وكلمة تجيبهم شمال ما تسألوش سيدنا موسى وقف في وش فرعون. سيدنا موسى الفطرة بتاعته ما اتأثرتش بالسحر بتاعه. سيدنا موسى واجه الزخرف وفضح زخرف فرعون - [00:30:58](#)

قدام الناس كلها وستمية الف بني ادم قدام سبعين الف ساحر. جايبين يسحروا ويزخرفوا الباطل قدام الناس موسى فضحهم قدام الدنيا كلها طب وعيسى عايز واجه امبراطور الامبراطورية البيزنطية سنة صفر ميلادية يا جماعة. يعني في اكر فترة طغيان المادية على الكرة الارضية. لدرجة ان ربنا - [00:31:18](#)

باحياء الموتى. ليه؟ لان قمة الزخرفة للباطل. فكان لازم سيدنا عيسى يبقى معه ايات تخطف الناس. من الزخرفة اللي هم فيها سيدنا عيسى واجه زخارف الامبراطور البريطاني واذياله. في فلسطين وسيدنا موسى واجه زخارف فرعون والملا بتوعه - [00:31:38](#)

اتنين واجهوا الزخرفة في الدنيا عشان كده ربنا جايهم للنبي عليه الصلاة والسلام. في سورة الزخرف بيقول له اتعلم من دول ازاى تواجه الزخرفة. اتعلم من دول ازاى الزخرف ما ينتصرش على غافر وفصلك والشورى. اتعلم من دول. ازاى انك انت تحرق الزخرفة بتاعتهم. تحرق البخور بتاعهم - [00:31:57](#)

تفك سحر الدنيا في قلوب الناس. بس تفكه بالقرآن مش زي الدجالين اللي بيفكوا السحر بالشعوذة. وبالحجاب وبالجن وبالعفاريت احنا يا جماعة وزيفتنا في الحياة ان احنا نفك السحر. نفك سحر زخارف الدنيا في قلوب الناس وعيون الناس. بالقرآن يبجي الشوط الاخير. طبعاً اخر حاجة في الشوط الثالث - [00:32:17](#)

هو شوط بقى الانبياء في مواجهة اباطرة الزخرف في الحياة. النهاية بتاعته الاخلاء يومئذ بعضهم لبعض عدو. الشلل بقى عملت رباطيات على الانبياء. يوم القيامة بيكفروا ببعض ازاى؟ الشوط الرابع الصواعق القرآنية. لايقاط القلوب الغافلة. ها - [00:32:37](#) لا خوف عليكم اليوم ولا انتم تحزنون. اول يوم في الجنة. ان المجرمين في عذاب جهنم خالدون. اول يوم في النار وهم يبشروا بالخلود في جهنم والعياذ بالله وهو الذي في السماء اله وفي الارض اله. عظمة الله. وجلال الله سبحانه وتعالى. وهو الحكيم. الله اله. هو اللي - [00:32:57](#)

انتم مين انتم عشان تستبدلوا حكم الله بحكمكم؟ انتم مين انتم عشان تستبدلوا حلول السماء لمشاكل الارض؟ بحلولكم الارضية القاصرة انتم مين انتم من انتم؟ انتم مين انتم؟ عشان تحذوا الله سبحانه وتعالى. فالشوط الرابع - [00:33:17](#) الصواعق الوعظية اللي بتوقظ قلوبنا عشان ما نتأسرش بالزخارف بتاعتهم. اول يوم في الجنة. اول يوم في النار. من هو الله وعظمة الله؟ الجنة النار عظمة الله سبحانه وتعالى يعني هو ربنا بيكلنا عن اول يوم في الجنة في سورة الزخرف ليه؟ لانه قاعدين يزخرفوا او من ينشأ في الحلية الذهب وزخرفة - [00:33:34](#)

الذهب فلولا القي عليه اسورة من ذهب كلمة فرعون. السورة كلها بتتكلم عن الذهب وانبهار الناس من الذهب. اللي بيذهب عقول الناس ولعله عشان كده سمي اللي بيذهب عقول الناس بالناس مبهورة بالذهب وبالزخرف وبالعلية. الناس هتتجنن على الدنيا. الناس مسحورة مفتونة. الدنيا دي كلها تطلع قدام عينها يوم - [00:33:54](#)

ضعف وهيتركوها وهيذهبوا وهيحتقروها. ولكن بعد ايه؟ قربنا جاب قصاد زخرف الدنيا قصاد الحلية قصاد الذهب قصاد الاثورة من زهب قصاد تخرج اول يوم في الجنة اللي ربنا بيقول فيه - [00:34:14](#)

يطاف عليهم بصحاف من ذهب. زي ما في الدنيا فيه ذهب بالهقول. في الجنة فيه ذهب بس ذهب تاني. حاجة تانية احرقم يا ايها الدعاة زخارف الباطل بالكلام عن الجنة. كأن ربنا بيوصل لنا الرسالة دي احرقوهم. احرقوا زخارفهم - [00:34:28](#)

احرقوا ده جا لهم احرقم خداعهم. احرقوا اباطيلهم وضلالهم. احرقوا تفخيمهم. احرقوا الفاظهم. اللي زخرفوا بها وزخرفوا بها فنانينهم وزخرفوا بها حكاهم. وزخرفوا بها عقائدهم وزخرفوا بها الهتهم. احرقوها بالكلام عن الجنة. احرقوا ولع الناس - [00:34:48](#) دنيا بالكلام عن الجنة. وتختتم السورة بما بدأت به. بدأت السورة بقول الله. ولئن سألتهم من خلق السماوات والارض ليقولن خلقهن العزيز. وتختتم السورة. ولئن سألتهم من خلقهم ليقولن الله. يا نهار - [00:35:08](#)

يا نهار ابيض! ايتين يموتوك على روحك من الضحك. يخلوك مش قادر من الضحك اصلاً. ازاى؟ هم بيقولوا لك يعني انا بتخيل المشهد في الاية ديت ولئن سألتهم من خلق السماوات والارض ليقولن خلقهن العزيز. واحد قاعد يهوبل يا هوبل اشفي لي ابني. يا مناه اشفي - [00:35:28](#)

بنتي يا هبة نجحني يا هبل ارزقني. واحد بيقول له يا استاز يا عم استنى سبني انت مش شايفني بدعي الله بتاعي. يا هبل اتوسل يا استاز عايز ايه - [00:35:48](#)

آ هو مين اللي خلق السما والارض؟ انت اهل يا ابني؟ ربنا طبعاً. الله العزيز العليم. امشي بقى يا هبل يا هو مين الهل هنا! انت يقول لك الله هو اللي خلق. طب ما ربنا اللي خلق. يبقى ربنا اللي يقدر يشفيك. يبقى ربنا اللي يقدر يصلح لك حالك. انما هم بيقولوا بتلقائية ربنا - [00:35:58](#)

وهم يا عيني قاعدين واقفين على باب المخلوق غلبة من الحاجات اللي بتموتني من الضحك في الايتين دول تخيل طالب دخل الامتحان يا جماعة ده طالب دخل امتحان هو داخل مرعوب بقى وقلقان اتوزعت الورقة ببص الحمد لله اه - [00:36:18](#)

السؤال الاولاني عارفه عارفه ده انا حافزه صم. حافزه الحمد لله. الحمد لله يا رب. السؤال الثاني اوبا ده انا لسه مزاكره قبل ما ادخل اللجنة مية مية امتياز ان شاء الله يا ابني. السؤال الثالث يا سيدي يا سيدي ده الباب ده انا شطبه مخلص - [00:36:35](#)

من اوله لاخره. الامتحان سهل جدا. الحمد لله والشكر لله. وقام مطبق الورقة وضاربها في جيبه وقايمه سائب اللجنة. الطالب ده هيحصل له ايه هيسقط. الطالب ده هيترفد ده عارف الامتحان كله. سيترفد. لان هو معلوماته في اتجاه وتطبيقه العملي في - [00:36:55](#)

عارف بس نزل يلعب ماتش كورة يلحقه. عارف بس نزل يتفرج على كليب ولا على فيلم سينما. عارف بس اهو بالزبط كده. هو ده ولئن سألتهم من خلق السماوات والارض - [00:37:15](#)

ربنا ربنا العزيم. طب ربنا ده انت بتعبده ؟ لأ. ربنا انت بتدعيه ؟ لأ. ربنا انت بتسمع كلامه ؟ لأ. ربنا ده انت بتتحاكم لشرع ؟ لأ. ربنا ده لما بيتألق - [00:37:25](#)

قال الله بتقول سمعنا واطعنا؟ لأ ربنا انت بتقبل عليه. لأ ربنا انت عايز ترضيه؟ لأ هو ايه ده! ايه الشيزوفرنيا اللي الناس عايشة فيها دي اهي دي الكلام ده انا عارفه ولكن مش لمجرد انك عارف الصح. يبقى معناها انك هتنجو لازم تطبق الصح. لازم نطبق الصح يا جماعة - [00:37:35](#)

يبقى ده كده آآ ده العلاقة ما بين يعني تنتهي السورة بما بدأت به السورة. آآ كده احنا جاهزين ان احنا ندخل في آآ الشرح بتاع السورة وان احنا ندخل في شرح الشوط الاول متهيألي احنا كده بقى لنا ربع ساعة مسلا مع بعض ولا حاجة. يعني بعد الربع ساعة دي يا جماعة بقى انا مش عارف نعمل ايه ويبدو انها مش ربع ساعة ولا حاجة - [00:37:55](#)

لان حبايبنا بقى استاز ياسر والشركاء يعني بيشاوروني انها مش ربع ساعة ولا حاجة. فبناء على كده اخواني واحبابي في الله آآ خلاص كفاية كده القرآنية بتاعة النهاردة كده خلاص احنا قضيتنا يا جماعة زي ما بنقول نوقظ المارد. مش قضيتنا معلومات. قضيتنا مفهومات ومعمولات. قضيتنا ان احنا نوقظ المرض اللي جوانا - [00:38:15](#)

كده الهوم وورك بتاعكم الاكشن بلان. ما احنا بنقول رحلة تغيير. من النهاردة بقى انسوا ان احنا هنسيبكم كده ونقول درس ونقول لكم باي باي مع السلامة نتقابل الدرس اللي بعده. ما عدش فيه الكلام - [00:38:35](#)

دبح الكلام ده يا جماعة. بازن الله سبحانه وتعالى التوصية بتاعة النهاردة ايقظ المارد. اوقظ المارد ازاى؟ انا شرحت لكم الصورة شرح اجمالي بفضل ومنة الله في الاربعين اللي احنا مع بعض فيهم دول شرحته لكم شرح اجمالي. اللهم لك الحمد. اللهم لك الحمد. انا اظن ان انا وصلت لكم افكار انا كنت اتمنى على الله ان انا اقدر اوصلها. في - [00:38:45](#)

آآ ترابط الصورة وموضوعاتها ومقاصدها وخريطتها الذهنية. الواجب العملي الاسبوع ده ايه؟ ان انتم هتصلوا قيام ليل بالسورة كلها. هتعيشوا مع صورة هتسلمي لها قلبك في قيام الليل. بل ممكن كمان في صلاة الضحى تفتحي المصحف وتصلي. وتبدأ بقى تسلم قلبك. عايزين تقروا بقى في تفسير من تفاسيرها. عايزين اي اي - [00:39:05](#)

فيه حيسين تسمعوا الدرس ده تاني لان الدرس فعلا يعني ممكن يبقى فيه شوية مفاهيم سورة الزخرف سورة مليانة يا جماعة. سورة مليانة معاني جبارة جبارة انا مشفق على نفسي هاقدر اوصل - [00:39:25](#)

ازاي واحد في الالف من هذه المعاني اصلا؟ يعني فعلا القرآن حاجة سبحانه الله! قرآن ذي الذكر فعلا اللي بيزلزل القلوب بالموافق بتاعته والتأثير والتغيير يبقى انتم الوقتي هتعيشوا مع صورة الاسبوع ده ان شاء الله. هتصلوا بقى قيام ليل. هتقرأوها كويس جدا بتدبر وترسل. هتسمعوا الدرس ده تاني. عايزين تقرأوا في تفسير - [00:39:35](#)

ابعتوا لنا هنزل لكم بوست ان شاء الله بازن الله. هنزل لكم بوست على طول بازن الله بعد الحلقة. آآ عن آآ ايقظ المارد تحتها فور التصحيح من سورة الزخرف. ارسلاوا تدبراتكم بقى هنا اه ارسلاوا كل واحد وواحدة منه كان عايزه بيعت القرار العملي اللي بعد يومين

ثلاثة من الحياة مع - 00:39:55

قرر انه يعمل. قرار واحد بس. مش شرط قرار كبير. وقرار عملي واضح محدد. هتعمل ايه في استعدادك لرمضان؟ هتعملي ايه في استعدادك لرمضان؟ السلسلة دي سلسلة استعداد لرمضان اصلا. دي ايقاظ للمارد الايماني اللي جوانا قبل رمضان يا جماعة. فالسلسلة دي اصلا ايقاظ للمارد. ايقاظ للمارد الايماني والروحي - 00:40:15

الايمانية المعنوية اللي جوانا. مثقال ذرة من ايمان بتنجي من الخلود من جهنم. مثقال ذرة من ذهب هتعمل لك ايه يعني لو عندك. مثقال ذرة من الما هتعمل لك ايه لو عندك - 00:40:35

انما مثقال ذرة من ايمان تنجيك من الخلود في جهنم. عشان كده لما هنوقظ المارد الايماني احنا بنصنع لنفسنا مستقبل مع الله. سبحانه وتعالى في جوار الله في الفردوس الاعلى باذن الله - 00:40:45

هقابلكوا ثاني بعد تلت تيام ان شاء الله هديكوا تلت تيام او اربع تيام بالكثير باذن الله وهتقابل معكم ثاني سكشن مش محاضرة دي محاضرة هتقابل معكم سيكشن هتبعثوا لي تدبراتكم. وصلت لايه؟ عشتوا مع ايه؟ حسيتوا بايه؟ الروشنت اللي انتم خرجتم بها من سورة الزخرف لمشاكل حياتنا ايه؟ او مشاكل حياتك - 00:40:57

او حياتك او قلبك او الدعوة ايه؟ القرار العملي اللي كل واحد منكم قرر انه يوقظ المارد اللي جواه به. لان المارد مش هيقظ من الوعظ بس البرد هيقف من العمل الصالح. القرار العملي اللي انت قررت تعمله وتستعد به لرمضان وتوقظ المارد اللي جواك به. ايه؟ كم في المية من السحر اللي جواك - 00:41:17

فك سحر الدنيا. كم في المية من زخرف اهل الباطل جواك اتحرق! كم في المية يا جماعة من الدجل والباطيل بتاعة اهل الباطل! اتكشفت قدام عينيك! نضارة القرآن نورت لك قد ايه. الكتاب المبين بين لك ونور لك كشافات الشبورة القرآنية. نورت لك الطريق الاشعة القرآنية - 00:41:37

صورت لك الطريق قد ايه ونورت لك الطريق في ايه هتبعثوا تدبراتكم وقراراتكم العملية. ان شاء الله باذن الله على يوم التلات مسلا ممكن نعتد على التلات هدخل ان شاء الله معك - 00:41:57

حاولوا نص ساعة. انا مش هتكلم ومش هشرح حاجة في الصورة تانية باذن الله. ده ده سيكشن عشانكم انتم. عشان اتابعكم عشان اقول للاوائل برافو. وممكن نشحن على الاوائل ممكن نعمل شوية حاجات زريفة ولزيزة كده واحنا مع بعض باذن الله. سبحانه وتعالى داخل عشانكم عشانك وعشانك. هشوف تدبراتكم ايه ابعثوها لي ان شاء الله باذن الله. آآ - 00:42:07

اه اه اقوى تعليقات هعلق عليها. هحاول اجيب كل التعليقات اصلا باذن الله. واوجهكم فيها واه نبقي مع بعض باذن الله ايقاظ المارد وثورة التصحيح من خلال سورة الزخرف. اللهم اجعل القرآن العظيم ربيع قلوبنا ونور صدورنا وجلاء احزاننا - 00:42:27

وذهاب همومنا. اللهم يا من انزلت الفرقان مسكنا بالقرآن حتى نلقاك. اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم ايقظ قلوبنا بالقرآن. اللهم زك نفوسنا بالقرآن. اللهم قو عزائمنا بالقرآن. اللهم الهمننا رشدنا واعذنا من - 00:42:47

لانفسنا. اللهم بلغنا رمضان واجعلنا فيه من الفائزين. وبلغنا ليلة القدر واجعلنا فيها من الفائزين رحمتك يا ارحم الراحمين. سبحانه اللهم وبحمدك اشهد ان لا اله الا انت استغفرك واتوب اليك. ربنا يبارك فيكم. شدوا حيلكم - 00:43:17

انطلاق يا رجاله - 00:43:37